



CONGREGATIO DE CAUSIS SANCTORUM

Prot. N. 1800-9/03

M E D I O L A N E N .

Beatificationis et Canonizationis

Servi Dei **BENIGNI A SANCTA TERESIA A IESU INFANTE**

(In saeculo: Angeli Calvi)

Sacerdotis professi

Ordinis Carmelitarum Discalceatorum.

In Ordinario Congressu, die 11 mensis Aprilis huius anni 2003 celebrato, haec Congregatio de Causis Sanctorum sequens dubium disceptavit, nimirum: "An constet de validitate Inquisitionis Dioecesanae, apud Curiam ecclesiasticam Melakanam-Giohoranam peractae, super adserta mira sanatione Domini Emmanuelis Santa Maria, intercessioni Servi Dei Benigni a Sancta Teresia a Iesu Infante (in saeculo: Angeli Calvi), Sacerdotis professi Ordinis Carmelitarum Discalceatorum, tributa: testes sint rite recteque examinati et iura producta legitime compulsata in casu et ad effectum de quo agitur".

Haec Congregatio, attento voto ex officio redacto reque diligenter perpensa, rescripsit: **AFFIRMATIVE**, seu constare de validitate eiusdem Inquisitionis Dioecesanae in casu et ad effectum de quo agitur, sanatis de iure sanandis. Contrariis non obstantibus quibuslibet.

Datum Romae, ex aedibus eiusdem Congregationis, die 11 mensis Aprilis A.D. 2003.

Iosephus Card. Saraiva Martins
Iosephus Card. Saraiva Martins
Praefectus

+Eduardus Nowak

+Eduardus Nowak
Archiepiscopus tit. Lunensis
a Secretis